


SAPTA 12

KIRAP BEK BILONG
JISAS NA NUPELA
SIOS I KAMAP



EM I TOKIM MIPELA PLANTI
TAIM OLSEM OL BAI I KILIM EM.
TASOL MI NO KLIA LONG WANEM
AS EM I BIN LARIM OL MEKIM
DISPELA SAMTING LONG EM. ASDE
NAIT EM I TOKIM MIPELA KLIA
OLSEM OL I KAM LONG KISIM EM,
TASOL EM I NO RANAWAWE.

YUMI MAS
HARIAP. SAN
I WOK LONG
GO DAUN.



YUMI NO GAT
TAIM LONG REDIM
WANPELA GUTPELA
SANDA BILONG PUTIM
ANTAP LONG BODI.

YUMI BAI KAM
BEK TAIM OL DISPELA
HOLI DE SABAT I
PINIS.

TASOL EM
3-PELA DE MOA!

LUKAIT TAIM YU
GO DAUN INSAIT.
NO KEN BAMIM LEK
BILONG YU.

YUMI NO
INAP BRUKIM
OL SABAT.




OL PRIS I GO
BEK LONG
LUKIM PAILAT.

BIKMAN,
DISPELA GIAMAN
PROFET WE YU BIN
HANGAMAPIM, EM
I BIN TOK OLSEM
EM BAI I KIRAP BEK
BIHAIN LONG
TRIPELA DE.

MIPELA I
PRET OLSEM OL
DISAIPEL BILONG EM
BAI I KAM NA STILIM
BODI BILONG EM NA
BIHAIN TOKIM OLGETA
MANMERI OLSEM EM
I BIN KIRAP BEK. YU
MAS PUTIM SAMPELA
SOLDIA LONG WAS
AUTSAIT LONG
MATMAT BILONG
EM.


YUPELA KISIM
OL SOLDIA NA TOKIM
OL LONG WAS GUT
LONG MATMAT.



ORAIT, MIPELA
I PUTIM MAK ANTAP
LONG STON. SAPOS
WANPELA I RAUSIM
STON, MAK BAI I
BRUK. WAS GUT.

NO KEN WARI.
MIPELA STAP OL SOLDIA
BILONG ROM. OL DISAIPEL
BILONG JISAS I NO INAP
KAM KLOSTU LONG
DISPELA MATMAT.

METYU 27:59-66; JON 19:40



NO KEN WARI
OLSEM MESAIA B'LONG
YUPELA BAI RANAWE.
MIPELA BAI WAS GUT
LONG DISPELA DED
BODI.


HA, HA, HA!



TRIPELA DE BIHAIN.

BILONG
WANEM NA
YUMI WOK LONG
WAS LONG
MATMAT BILONG
WANPELA
DAIMAN?

YUMI MAS HARIAP.
KLOSTU BAI TULAIT I BRUK.
EM NAMBA TRI DE NA
KLOSTU BAI BODI BILONG
EM I STAT LONG STING.



NO KEN WARI.
KLOSTU BAI TULAIT
NAU NA OL ARAPELA
SOLDIA BAI KAM LONG
KISIM PLES BILONG
YUMI.

GUTPELA
SAPOS YUMI
BIN MEKIM
DISPELA
WOK ASDE O
APASDE.



**AIYO!
NARAPELA
GLRIA GEN!**

AIII!

METYU 28:1-2; LUK 24:1



MAN,
EM BIKPELA
GURIA TRU.

SSSST!
HARIM! OL MAN
I WOK LONG
SINGAIT NOGUT
TRU!



**EM
WANEM
YA?**

AAAAAGH!



**EM
WANPELA
GOD.**

**EM I
WOK LONG
RAUSIM
STON!**

**EM
BAI KILIM
YUMI.**

**BIKPELA,
MARIMARI!**




**MATMAT
I WOK LONG
OP!**

**DISPELA
BIKPELA LAIT I
BAGARAPIM AI
BILONG MI!**

**YUMI BAI
I DAI!**

METYU 28:2-4



DISPELA STON EM
HEVI TUMAS. YUMI NO
TING LONG BRINGIM
SAMPELA MAN LONG
HELPIM YUMI RAUSIM
STON.

TRU YA! LARIM, YUMI
GO LUKIM PASTAIM, BIHAIN
SAMPELA BILONG YUMI I KEN
GO SINGAUTIM SAMPELA
MAN LONG KAM.

OL I NO SAVE OLSEM
OL SOLDIA I WOK
LONG WAS ALTSAIT
LONG MATMAT.




TASOL TAIM OL I KAMAP
LONG MATMAT:

**AI! OL I
RAUSIM STON
PINIS!**

BODI BILONG EM
I NO STAP HIA!





YU HUSAT?!
HUSAT I BIN KISIM
BODI BILONG
JISAS?

WET, LUKIM! OL
HAP LAPLAP OL I BIN
PASIM EM LONG EN
I STAP YET!

NO KEN KIRAP
NOGLUT. MI SAVE
OLSEM YUPELA I WOK
LONG PAINIM JISAS
HUSAT I BIN DAI LONG
DIWAI KROS. EM I NO
STAP HIA, EM I KIRAP
BEK PINIS OLSEM EM I
BIN TOK.

KAM NA LUKIM PLES WE EM I BIN
SLIP, BIHAIN, GO NA TOKIM OL
DISAIPEL BILONG EM OLSEM JISAS
BAI BUNGIM OL LONG GALILI.



JISAS EM
I STAP LAIP!




OL DISPELA
MAN EM OL
ENSEL!



HARIAP!
YUMI MAS I
GO NA TOKIM
OL DISAIPEL!



JISAS I STAP
LAIP! EM I KIRAP
BEK LONG I DAI
OLSEM LAZARUS!



JISAS EM I STAP
LAIP! NAU TASOL
MIPELA I BIN KAMBEK
LONG MATMAT
BILONG EM.

JISAS I
NO STAP LONG
MATMAT MOA,
TASOL MIPELA I BIN
LUKIM SAMPELA
ENSEL.

MIPELA I BIN HOLIM TINGTING
OLSEM JISAS I BIN TOKIM YUMI
OLSEM EM BAI I KIRAP BEK GEN
LONG NAMBA TRI DE.

OL ENSEL I SALIM TOK
LONG YUPELA OLSEM JISAS
BAI BUNGIM YUPELA LONG
GALILI!



PITA, YU GO WE?

MI GO
LONG
MATMAT.

JON I BIHAINIM
PITA, TASOL EM I
RAN HARIAP MOA NA
GO PAS LONG EM.

JON!
WETIM MI!
YU SAVE
RAN HARIAP
TUMAS!






EM EMPTI, YA!



TRUTRU
EM I KIRAP
BEK PINIS!


JON 20:2-6



JON, LUKIM, OL LAPLAP OL
I PASIM EM LONG EN I STAP
YET.

NA LUKIM, EM I
BIN FOLDIM DISPELA
HAP LAPLAP WE I BIN
KARAMAPIM PES
BILONG EM.

TASOL OL ENSEL I
GO WE? OL MERI YA
I MAS DRIMAN, O?



YUPELA I BIN
LUKIM OL DISPELA
MAN HUSAT I BIN
WERIM WAITPELA
KLOS TU?

NOGAT, YA. I NO
GAT WANPELA MAN O
BODI I STAP INSAIT
LONG MATMAT.

A woman wearing a grey hooded robe is shown in a state of distress, crying with her hands to her face. She is standing in a tropical landscape with palm trees and mountains in the background. The scene is rendered in a comic book style with bold lines and a muted color palette.

AIYO,
AIYO...

MERI,
BILONG WANEM
NA YU KRAI?




BIKMAN, YU BIN
RAUSIM BODI BILONG
EM LONG MATMAT, A?
TOKIM MI LONG BODI I
STAP WE NA MI BAI GO
KISIM.



MARIA.


BIKPELA!





MARIA, NO
KEN TASIM MI,
LONG WANEM, MI NO
BIN I GO ANTAP LONG
PAPA BILONG MI YET.
TASOL GO NA TOKIM
OL DISAIPEL OLSEM MI
GO ANTAP LONG PAPA
BILONG MI NA PAPA
BILONG YUPELA.

BIKPELA! YU
STAP LAIP!



SAMPELA DISAIPEL I NO
BILIP OLSEM JISAS I BIN
KIRAP BEK LONG I DAI.

PITA NA JON I NO
LUKIM WANPELA BODI
LONG MATMAT, TASOL
ATING OL MAN I BIN STILIM
BODI BILONG EM. OLSEM
WANEM NA MARIA I TOK
OLSEM EM I BIN LUKIM EM.
EM LONGLONG MERI.


MIPELA BAI
I GO BEK LONG
IMEAS. LUKIM
YUPELA SAMPELA
ARAPELA TAIM.



DISPELA EM
NAMBA TRI DE BIHAIN
LONG OL DISPELA
SAMTING I BIN KAMAP.

YES. TASOL
BILONG WANEM
NA JISAS I LARIM OL
DISPELA MAN I KILIM
EM SAPOS EM I GAT
PAWA LONG KIRAP BEK
GEN LONG I DAI.


TRUTRU MI BILIP
OLSEM EM I STAP KING
BILONG YUMI. TASOL SAPOS
DISPELA SAMTING EM I TRU,
BILONG WANEM NA EM I
KIRAP BEK HAIT?



INAP MI
WOKABAIT
WANTAIM
YUPELA?


AI! YU MEKIM
NA MI KIRAP
NOGUT!

KAM NA
WOKABAIT
WANTAIM MIPELA.
MIPELA I GO LONG
IMEAS TASOL.




TAIM MI
WOKABAIT I
KAM MI HARIM
YUPELA I WOK
LONG TOKTOK.
YUPELA I BEL HEVI
LONG SAMPELA
SAMTING, A?

ATING YU NO SAVE LONG
WANEM SAMTING I BIN
KAMAP LONG JERUSALEM
LONG DISPELA WIK, A?



MIPELA I BIN
BILIP OLSEM JISAS
BILONG NASARET EM I
STAP MESAIA BILONG
YUMI, TASOL OL I BIN
HANGAMAPIM EM
LONG DIWAI KROS.

TUDE EM NAMBA TRI
DE BIHAIN LONG OL DISPELA
SAMTING I BIN KAMAP NA SAMPELA
MERI NAMEL LONG MIPELA I BIN GO
LONG MATMAT BILONG EM LONG
MONING NA BODI BILONG EM I NO
STAP LONG MATMAT MOA. TU, OL I
BIN TOK OLSEM OL ENSEL I STAP
LONG MATMAT NA TOKIM OL
OLSEM JISAS EM I STAP LAIP!



TUPELA MAN
I BIN RAN I GO
LONG MATMAT, TASOL
OL I NO LUKIM JISAS O
OL ENSEL. TASOL TRU
TUMAS, BODI BILONG
JISAS I NO STAP MOA
LONG MATMAT.

YUPELA OL LONGLONG MAN;
BEL BILONG YUPELA I NO HARIAP
LONG BILIPIM OLGETA TOKTOK
WE OL PROFET I BIN MEKIM, A?
TRUTRU KRAIS I MAS KISIM OL
DISPELA HEVI INAP LONG EM I
KEN GO INSAIT LONG GLORI
BILONG EM.

SAM 22; SEKERAIA 13:7;
LUK 24:13-26; MAK 16:9-11

DISPELA JISAS
BILONG NASARET, WE OL
I BIN KILIM I DAI, EM I TOK
OLSEM EM I STAP DISPELA KRAIS
NA WANMAK BILONG PAPA GOD,
TRU, A? PROFET AISAIA I TOK OLSEM
NEM BILONG KRAIS EM "GOD I GAT
OLGETA STRONG, NA PAPA I STAP
OLTAIM OLTAIM." YUPELA TINGIM
DISPELA TOK JISAS I BIN MEKIM
OLSEM SAPOS YUPELA I BIN LUKIM
EM, ORAIT, YUPELA I LUKIM PAPA
PINIS? SAMTING EM I TOK EM
IKAM LONG RAIT BILONG
GOD.



AISAIA I TOK OLSEM
KRAIS BAI I KAM LONG
TAIM OL JU I NO GAT KING
LONG ISRAEL O JUDA -- EM
DISPELA TAIM NAU. EM I TOK TU
OLSEM MESAIA BAI I KAM LONG
WANPELA MERI HUSAT I NO BIN
STAP WANTAIM WANPELA MAN.
NA LONG BUK BILONG MAIKA,
RAIT I STAP PINIS OLSEM EM
I BAI I KAM LONG BETLEHEM
BILONG JUDA OLSEM JISAS I
BIN KAM.

PLANTI OL
TOK PROFET I
TOKAUT OLSEM EM
BAI I KAM LONG LAIN
BILONG KING DEVIT,
NA MARIA WANTAIM
WASPAPA BILONG JISAS,
JOSEP, TUPELA I BIN
KAM LONG LAIN
BILONG DEVIT.





PROFET I
TOKAUT OLSEM KRAIS
BAI I OPIM AI BILONG OL
AIPAS, STAP WASMAN
BILONG OL ISRAEL, NA
KAM LONG SAION LONG
KISIM BEK OL.


AISAIA I TOK
PROFET OLSEM ISRAEL
BAI I GIVIM BAKSAIT LONG
MESAIA BILONG OL, NA PLANTI
PROFET I TOKTOK LONG BIKPELA
PEN EM BAI KISIM. POROMAN
BILONG EM BAI I SALIM EM LONG
HAN BILONG OL BIRUA LONG 30-
PELA HAP SILVA, NA EM I NO INAP
BEKIM MAUS BILONG OL BIRUA
BILONG EM. OL BAI I BAGARAPIM EM
NOGUT TRU, RAUSIM MAUSGRAS
BILONG EM, LUKIM SKIN NATING
BILONG EM, NA SPETIM PES
BILONG EM. OL BAI WIPIM
EM NOGUT TRU INAP EM
I NO INAP LUK OLSEM
WANPELA MAN.




PROFET
SEKERAIA I TOKIM
YUMI OLSEM OL BAI
SUTIM MESAIA, NA OL
POROMAN BILONG EM BAI
I PAITIM EM NA BAGARAPIM
OL HAN BILONG EM. OL BAI I
KARIM EM I GO OLSEM SIPSIP
LONG KILIM EM I DAI. TAIM
EM I DAI PINIS, OL BAI
PUTIM EM LONG MATMAT
BILONG MANIMAN.



OL DISPELA SAMTING I BIN KAMAP,
TASOL JISAS YET I BIN TOK OLSEM OL I NO KISIM
LAIP BILONG EM, NOGAT, EM YET I GIVIM LAIP BILONG EM.
AISAIA I TOK OLSEM GOD I AMAMAS LONG BAGARAPIM EM, LONG
WANEM, SOL BILONG EM I KAMAP OFA BILONG BAIM SIN. EM I
KISIM PE BILONG OL SIN BILONG OL ARAPELA, EM I KARIM OL
SIN BILONG OL, NA LONG I DAI BILONG EM PLANTI BAI I
KAMAP STRETPELA.



TASOL I DAI BILONG EM
I NO PINIS BILONG OL DISPELA
SAMTING, NOGAT. AISAIA I TOK
OLSEM LAIP BILONG EM I NO INAP
PINIS TAIM EM I DAI. JISAS BAI I KISIM
BIKNEM NA ONA ANTAP MOA YET. EM
BAI I KISIM BEK OL MANMERI LONG
OLGETA HAP GRAUN LONG NUPELA
KONTRAK BILONG EM.



TU, EM BAI I STAP
WANPELA JAS NA BOSIM DISPELA
GRAUN LONG NUPELA SITI BILONG EM.
LONG WANPELA DE OLGETA MANMERI
BAI BRUKIM SKRU NA OLGETA TANG
BAI I TOKAUT KLIA OLSEM JISAS
EM I STAP BIKPELA.

OLSEM WANEM
YUPELA I STAP SORI
YET? ATING OL MERI I NO
BIN TOKIM YUPELA OLSEM
OL I BIN LUKIM MATMAT
BILONG EM I STAP EMPTI
NA OL ENSEL I TOK
OLSEM EM I BIN KIRAP
BEK LONG I DAI?

TRU YA!

AISAIA 7:14,16, 9:6, 11:1, 40:11, 42:7, 49:7, 53:1,3, 59:20;
SAM 11:4, 22:15, 41:9, 42:4,6, 45:23, 49:6, 52:13, JEREMAIA 23:5,6;
MAIKA 5:2; SEKERAIA 11:12,13, 12:10, 13:6,7; JON 10:18

HAUS BILONG MI YA.
EM APINUN PINIS. KAM NA
KAIKAI WANTAIM MIPELA, BIHAIN
YU KEN SLIP HIA. MI LAIK HARIM
MOA LONG TOK OL PROFET I BIN
MEKIM LONG JISAS.



BIKMAN, PLIS YU
ASKIM BLESING LONG KAIKAI
BILONG YUMI.





BLESING I STAP ANTAP
LONG YU, O BIKPELA, GOD BILONG
MIPELA, KING BILONG OLGETA
SAMTING, HUSAT I SAVE BRINGIM
KAIKAI LONG GRAUN. MIPELA I TOK
TENKYU LONG DISPELA BRET.



KISIM
NA KAIKAI.

JISAS! EM
YU TASOL!

BIKPELA!



EM I GO PINIS!

*EM I
NO STAP
MOA!*

EM JISAS TASOL
HUSAT I BIN WOKABAIT
WANTAIM YUMI!


EM JISAS TASOL!
OLSEM NA EM I
SAVE MOA YET LONG
OLGETA TOK PROFET.



JISAS EM I
STAP LAIP! EM I WINIM
I DAI! KAM, YUMI MAS
HARIAP NA GO BEK LONG
JERUSALEM LONG TOKSAVE
LONG OL ARAPELA DISAIPEL
OLSEM YUMI BIN LUKIM
EM NA TRUTRU EM I
STAP LAIP!


LUK 24:28-32

LONG JERUSALEM OL
DISAIPEL I BUNG HAIT
LONG WANPELA HAUS.



PASIM DUA
GUT. OL PRIS I BELHAT
NOGUT TRU LONG BODI
BILONG JISAS I BIN I
GO LUS. OL I WOK LONG
TOKIM OLGETA MANMERI
OLSEM YUMI BIN STILIM
BODI BILONG EM.

OLSEM
WANEM YA?
YUMI BIN GO
PAIT WANTAIM OL
SOLDIA BILONG
OL NA KISIM
BODI, A?



JISAS
I BIN TOK
OLSEM EM BAI I
KIRAP BEK LONG
NAMBA TRI DE.

MI NO INAP
BILIP OLSEM EM I
STAP LAIP INAP LONG
MI YET I LUKIM EM
WANTAIM AI BILONG MI
NA PUTIM HAN BILONG
MI LONG MAK LONG
HAN BILONG EM.




**EM
WANPELA
SPIRIT YA!**

**WANEM
YA?**

**EM
JISAS!**

NO KEN PRET.
TOMAS, YU TOK OLSEM YU NO
INAP BILIP INAP LONG YU LUKIM MI
WANTAIM AI BILONG YU YET, A? ORAIT,
KAM NA PUTIM HAN BILONG YU INSAIT
LONG OL HUL LONG HAN BILONG
MI NA SAIT BILONG MI.



O, GOD
BILONG MI
NA BIKPELA
BILONG MI!

TOMAS, YU BIN
LUKIM MI NA YU BIN
BILIP. BLESING I STAP
LONG OL HUSAT I NO
BIN LUKIM TASOL
YET OL I BILIP.



BIKPELA!

MI NO INAP
STAP WANTAIM
YUPELA LONGPELA
TAIM NA MI GAT
PLANTI TOKTOK
LONG GIVIM
YUPELA.


JISAS!

JON 20:26-31;
LUK 24:36-43



YU LUKIM MI KAIKAI
DISPELA PIS. MI STAP
WANPELA BODI, I NO
WANPELA SPIRIT.


RAIT I STAP PINIS OLSEM KRAIS BAI I KISIM
BIKPELA PEN NA I DAI, NA BIHAIN EM BAI KIRAP BEK
GEN LONG I DAI LONG NAMBA TRI DE. NA YUPELA I MAS
AUTIM OL DISPELA SAMTING LONG NEM BILONG MI LONG
OLGETA MANMERI BILONG GRAUN, I STAT LONG JERUSALEM.
NA YUPELA BAI I TOKAUT LONG OL DISPELA SAMTING YUPELA
I BIN LUKIM LONG AI BILONG YUPELA. TASOL YUPELA I MAS
STAP LONG JERUSALEM INAP LONG MI SALIM PROMIS
BILONG PAPA BILONG MI LONG YUPELA NA YUPELA I
KISIM DISPELA PAWA I KAM LONG ANTAP.



OLGETA PAWA
LONG HEVEN NA
GRAUN GOD I GIVIM LONG
MI. OLSEM NA YUPELA
I MAS I GO NA SKULIM
OLGETA LAIN MANMERI NA
BAPTAISIM OL LONG NEM
BILONG PAPA NA PIKININI
NA HOLI SPIRIT. SKULIM
OL LONG BIHAINIM OLGETA
SAMTING MI BIN TOK. NA
LUKIM, MI STAP WANTAIM
YUPELA OLTAIM, I GO INAP
LONG PINIS BILONG
DISPELA GRAUN.

MI GO NAU LONG
REDIM PLES BILONG
YUPELA NA MI BAI KAM
BEK GEN LONG KISIM
YUPELA LONG STAP
WANTAIM MI, INAP LONG
PLES MI STAP LONG EN
YUPELA BAI I STAP TU.

METYU 28:18-20;
LUK 24:44-49; JON 14:2-4



GO BEK LONG
JERUSALEM NA WETIM
HOLI SPIRIT LONG GIVIM
PAWA LONG YUPELA.


*EM I
GO BEK
LONG PAPA
BILONG
EM.*

EM I WOK
LONG GO
ANTAP!



MI STAP
WANTAIM YUPELA
OLTAIM I GO INAP
LONG PINIS BILONG
DISPELA GRAUN.


EM I GO BEK
PINIS LONG
HEVEN.



YUPELA
OL MAN
BILONG
GALILI,
BILONG
WANEM NA
YUPELA I
WOK LONG
LUKLUK YET
LONG
SKAI?

EM
HUSAT,
YA?

EM DISPELA
TUPELA ENSEL YUMI
BIN LUKIM LONG
MATMAT!



DISPELA JISAS BAI I
KAM BEK GEN LONG WANKAIN
PASIN WE YUPELA I BIN LUKIM
EM GO ANTAP LONG HEVEN.

PAPA
BILONG EM I
BIN KISIM EM I
GO ANTAP.

KAM, YUMI MAS GO
BEK LONG JERUSALEM NA
WETIM PROMIS BILONG EM.

LUK 24:49-51; APOSEL 1:7-11



OL DISAIPEL BILONG JISAS I GO LONG
JERUSALEM OLSEM JISAS I BIN TOK. OL
I BUNG WANTAIM NA BETEN NA WETIM
DISPELA PAWA BILONG ANTAP LONG KAM
OLSEM JISAS I BIN PROMIS. OL I PRET LONG
TOKAUT OLSEM JISAS I BIN KIRAP BEK LONG
I DAI, NOGUT OL HET PRIS I KILIM OL TU.



OL I WOK LONG BETEN NA
DISPELA PLES WE OL I BLING
LONG EN I GURIA, NA WANPELA
NOIS OLSEM STRONGPELA WIN I
PULMAPIM HAUS. NA OL SAMTING
I LUK OLSEM OL HAP PAIA I
BRUK NAMEL I KAM SINDAUN
ANTAP LONG OL WANWAN.

HOLI SPIRIT I PULMAPIM
OL NA OL I STAT LONG
TOKTOK LONG OL
ARAPELA TOKPLES.




TAIM HOLI SPIRIT I PULMAPIM
OL, OL I NO PRET MOA LONG
OL MAN NA OL I GO LONG
AUTIM TOK LONG PLES KLIA.

BLESSING I
GO LONG GOD NA
PIKININI MAN BILONG
EM JISAS.


OL I AMAMAS NA BIKMAUS NA MI TING
OLSEM OL I SPAK, TASOL OL TOKTOK KLIA LONG
TOKPLES BILONG MI LONG PARTIA NA OL I NO
PAULIM TOKTOK. OLSEM WANEM YA?






TOKPLES
BILONG YU?
NOGAT, OL I TOKTOK
LONG TOKPLES
BILONG MI LONG
ISIP! OLSEM WANEM
OL DISPELA MAN
NATING INAP LAINIM
KAINKAIN TOKPLES
OLSEM?

YUPELA OL MAN JU,
YUPELA I BIN LUKIM OL
MIRAKEL JISAS I BIN WOKIM
LONG AI BILONG YUPELA. DISPELA
I SOIM KLIA OLSEM GOD I STAP
WANTAIM EM, NA MASKI YUPELA I
BIN KILIM EM I DAI LONG DIWAI
KROS, GOD I BIN KIRAPIM
BEK EM LONG I DAI!



1000 YIA I GO PINIS,
DEVIT I BIN MEKIM TÓK
PROFET LONG KRAIS OLSEM, "YU
NO INAP LARIM SOL BILONG MI I STAP
LONG HEL. NA TU, YU NO INAP LARIM
DISPELA HUSAT I HOLI I LUKIM
BAGARAP."

OLSEM NA OLGETA LAIN BILONG
ISRAEL I MAS SAVE TRUTRU OLSEM GOD
I BIN MEKIM DISPELA JISAS, HUSAT YUPELA
I BIN HANGAMAPIM LONG DIWAI KROS, I
KAMAP BIKPELA NA KRAIS.



MIPELA I BIN
KILIM KRAIS. MIPELA I
MAS MEKIM WANEM
SAMTING NAU?

YUPELA OLGETA
WANWAN I MAS TANEM BEL
BILONG YUPELA NA KISIM BAPTAIS
LONG NEM BILONG JISAS KRAIS
LONG LUSIM SIN BILONG YUPELA
NA YUPELA BAI KISIM PRESEN
BILONG HOLI SPIRIT.



JISAS
EM I DISPELA
KRAIS.

LONG DISPELA TAIM, OL HUSAT I
AMAMAS LONG KISIM DISPELA TOK I
KISIM BAPTAIS. NA LONG DISPELA DE
KLOSTU 3000 I JOINIM OL.

MI BILIP
LONG
JISAS. MI
LAIK KISIM
BAPTAIS!




SAMPELA MUN BIHAIN.

I NO LONGPELA
TAIM JISAS I BIN LUSIM
YUMI.

YES, TASOL
PAWA NA STRONG
BILONG EM I STAP
ANTAP LONG YUMI, MOA
LONG TAIM EM I STAP
WANTAIM YUMI.

OL DISAIPEL
BILONG JISAS NAU
I KAMAP SAMPELA
TAUSEN, NA OLGETA
DE PLANTI MOA I
JOINIM YUMI.


SAM 2, 16:2;
APOSEL 2:27, 37-41



SKIUS, OL
BIKMAN, PLIS YU
GAT LIKLIK MONI
LONG GIVIM
RABISMAN?

PITA, MI NO GAT
KOINS, NA YU?

MI TU NOGAT,
TASOL HOLI SPIRIT
I STAP WANTAIM
YUMI, OLSEM NA YUMI
GAT SAMTING LONG
GIVIM EM...



MI NO GAT SILVA O
GOL, TASOL SAMTING MI
GAT MI GIVIM YU. LONG
NEM BILONG JISAS KRAIS
BILONG NASARET KIRAP
NA WOKABAUT.

OL I NO SAVE
LONG DISPELA MAN. EM
I NO INAP WOKABAUT TAIM
MAMA I KARIM EM I KAM INAP
LONG NAU. LEK BILONG EM
I DAI -- OL I NO GAT
STRONG LIKLIK.




JISAS
KRAIS I BIN
ORAITIM
YU.



AAA!

**GOD BIKPELA
I GAT OLGETA
STRONG.**

**LUKIM LEK
BILONG EM!**




AI, EM
DISPELA
LEK NOGUT,
A? EM
WOKABAUT
NAU?

OLGETA
GLORI I GO
LONG GOD NA
JISAS! TENKYU
GOD!


EM WOKABAUT
NA KALAP
WANTAIM.

APOSEL 3:1-11




EM DISPELA LEK
NOGUT HUSAT I SAVE
SINDAUN LONG DUA
BILONG TEMPEL! LEK
BILONG EM I DAI OLGETA,
OLSEM WANEM EM I KEN
WOKABAUT NAU?

BILONG WANEM
NA YUPELA I LUKLUK
LONG MIPELA OLSEM
MIPELA I BIN WOKIM
DISPELA MIRAKEL? GOD
BILONG EBRAHAM,
AISAK, NA JEKOP I BIN
GIVIM OLGETA GLORI
LONG PIKININI MAN
BILONG EM JISAS,
HUSAT YUPELA I BIN
KILIM I DAI.



OL I TOK
OLSEM EM I
KAMAP ORAIT LONG
NEM BILONG JISAS,
DISPELA MAN HUSAT
I BIN DAI LONG
DIWAI KROS.

YUPELA I
KILIM PIKININI
KING BILONG LAIP,
TASOL GOD I BIN
KIRAPIM EM BEK
LONG I DAI NA
MIPELA I BIN LUKIM
EM I GAT LAIP.
DISPELA MAN I BIN
KAMAP ORAIT LONG
BILIP LONG NEM
BILONG JISAS.



MIPELA I SAVE OLSEM
YUPELA I NO SAVE NA YUPELA I
BIN MEKIM DISPELA RONG NA KILIM
JISAS. TASOL OL PROFET BILONG
BIPO I BIN TOKAUT OLSEM
DISPELA BAI I KAMAP.

YUPELA OLGETA I
SAVE LONG MI. GOD
TASOL INAP ORAITIM
MI NA MEKIM MI
WOKABAIT. BILIP NA
BIHAINIM JISAS.

TANIM BEL
BILONG YUPELA NA
BILIP, INAP LONG EM
I KEN RAUSIM OL SIN
BILONG YUPELA.




OL HETMAN BILONG LOTU HUSAT I
BIN KILIM KRAIS I DAI OL I KROS LONG
PITA NA JON I ALTIM TOK LONG NEM
BILONG JISAS NA LONG DISPELA KIRAP
BEK LONG I DAI, OLSEM NA OL I PUTIM
OL LONG KALABUS.



DISPELA
TOK I WOK
LONG KIRAPIM
OL MANMERI
LONG BIHAINIM
JISAS. YUPELA
I WOK LONG
BRUKIM LO!

OL I NO
BIN MEKIM
WANPELA
RONG!




WANEM,
ATING BAI
YUPELA I
KALABUSIM OL
LEK NOGUT
TAIM GOD I
ORAITIM OL
GEN, A?

EM WANPELA
MIRAKEL OLSEM
JISAS I BIN WOKIM
TAIM EM I STAP
LONG HIA.

WANPELA POROMAN
BILONG MI I BIN LUKIM
JISAS I STAP LAIP BIHAIN
LONG OL EM I DAI LONG DIWAI
KROS. EM I TOK OLSEM 500-
PELA MANMERI I BIN LUKIM EM
LONG WANPELA TAIM.

MI BAI GO PAINIM OL
ARAPELA DISAIPEL NA ASKIM
OL LONG TOKIM MI LONG OL
DISPELA SAMTING.



MI TING OLSEM
TAIM JISAS I DAI
YUMI NO INAP HARIM
DISPELA KAIN TOK
MOA.

OL I TOK
OLSEM EM I NO
STAP I DAI MOA.

ORAIT, YUMI BAI
KILIM EM GEN NA OL
DISAIPEL BILONG EM
WANTAIM.

NO KEN WARI, YUMI BAI SALIM
DISPELA TUPELA MAN BIHAINIM
EM I GO LONG HEVEN TU!

OL I TOK
OLSEM EM I GO
ANTAP LONG PAPA
BILONG EM LONG
HEVEN.

APOSEL
4:3-6


MIPELA I SAVE
OLSEM DISPELA MAN I BIN
STAP LEK NOGUT TAIM MAMA
I KARIM EM. LONG WANEM
PAWA O WANEM NEM YUPELA
I BIN MEKIM DISPELA
SAMTING?

MIPELA I BIN
MEKIM DISPELA LONG
NEM BILONG JISAS
KRAIS BILONG NASARET,
HUSAT YUPELA I BIN KILIM
I DAI LONG DIWAI KROS NA
HUSAT GOD I BIN KIRAPIM
BEK EM LONG I DAI. JISAS
EM I STAP DISPELA STON
WE YUPELA OL MAN BILONG
WOKIM HAUS I BIN GIVIM
BAKSAIT LONG EM. NA
NAU EM I STAP HET
STON BILONG KONA.





I NO GAT
KISIM BEK LONG
NARAPELA MAN.
LONG WANEM, I
NO GAT NARAPELA
NEM ANINIT LONG
HEVEN WE GOD I
BIN GIVIM LONG
KISIM BEK YUMI.



MI TING
OLSEM OL
DISPELA MAN
I STAP OL MAN
NATING BILONG
HUKIM PIS
TASOL. OL I NO
BIN GO LONG
SKUL, OLSEM
WANEM OL INAP
SAVE LONG OL
TOKTOK BILONG
OL PROFET
OLSEM?

YUMI NO INAP TOK OLSEM
I NO GAT WANPELA MIRAKEL I BIN
KAMAP. OLGETA MANMERI I LUKIM PLES
KLIA PINIS, NA TU, OL I SAVE OLSEM
OL DISPELA MAN I BIN MEKIM DISPELA
MIRAKEL LONG NEM BILONG JISAS.
BAI YUMI MEKIM WANEM?

MI SAVE LONG
OL. MI BIN
LUKIM OL STAP
WANTAIM JISAS.



**RAUSIM
OL LONG
HIA!**

SAPOS YUPELA I
STRONG LONG AUTIM TOK
NA WOKIM OL MIRAKEL LONG
NEM BILONG JISAS, ORAIT,
YUPELA BAI I BIHAINIM EM
I GO LONG DIWAI KROS,
HARIM? YUPELA I TAMBŪ
NAU LONG MEKIM TOKTOK
O AUTIM TOK LONG NEM
BILONG JISAS NA MEKIM
GIAMAN TOKTOK LONG
KIRAP BEK LONG I DAI.*

SAM 118:22, APOSEL
4:7-21 *OL SAMPELA
HETMAN BILONG JU, EM
OL SADISI, OL I NO BILIP
OLSEM I GAT KIRAP BEK
LONG I DAI (LUKIM METYU
22:23 NA APOSEL 23:6-8).



ATING GOD BAI I
ORAIT LONG MIPELA I
HARIM TOKTOK BILONG
YUPELA MOA LONG MIPELA
I HARIM TOK BILONG EM,
A? YUPELA YET I SKELIM.
MIPELA I MAS TOKAUT
LONG SAMTING MIPELA I
BIN LUKIM NA HARIM.




DISPELA GUTNIUS I
GO LONG OLGETA HAP
BILONG ISRAEL. PLANTI
I BILIP LONG JISAS
NA KISIM BAPTAIS.

SIOS BILONG OL APOSEL
I BLUNG WANTAIM OLSEM
WANPELA BIKPELA FAMILI
LONG PASIN BILONG
LAIKIM TRU NA BEL ISI.


YU BIN
HARIM GUTNIUS
BILONG JISAS
KRAIS PINIS?

JISAS I BIN KIRAP
BEK LONG I DAI NA
EM I STAP LAIP!




OL MAN I NO SAVE
PAITIM OL DAUNIM
OL MERI BILONG OL
MOA. OL I SAVE MEKIM
GUT LONG OL.

MI WANTAIM
OL LAIN BILONG
MI I BIN BILIP LONG
JISAS NA NAU MIPELA
I SINDAUN GUT
WANTAIM BEL ISI.



OL I SAVE
MEKIM WOK
WANTAIM
AMAMAS.




OL DISAIPEL I KAMAP
TAUSEN TAUSEN, NA
OL I BUNGIM OLGETA
SAMTING WANTAIM --
HAUS, KAGO, MONI,
NA KAIKAI. OLGETA
DE OL I SAVE AUTIM
TOK BILONG JISAS
LONG TEMPEL NA
LONG OLGETA HAUS.



APOSEL 2:42-47; 5:41

YUPELA OL
MAN BILONG ISRAEL,
YUPELA I SAVE OLSEM
GOD I BIN TOKIM PAPA
BILONG YUMI EBRAHAM OLSEM
OL PIKININI LAIN BILONG EM BAI
I GO KALABUS LONG LONGWE
PLES NA STAP OLSEM WOKBOI
NATING LONG 400-PELA YIA. NA
GOD I TOK MOA YET OLSEM EM
BAI KOTIM OL LAIN HUSAT I BIN
KALABUSIM OL NA BRINGIM OL
MANMERI BILONG ISRAEL I GO
LONG DISPELA HAP GRAUN
EM I BIN PROMISIM
LONG EBRAHAM.





STIVEN,
OL MAN BAI
I TING YU
LONGLONG
YA.


**YU TOK NOGLIT
LONG TEMPEL
BILONG MIPELA!**

LONG
TAIM BILONG KING
SOLOMON, SOLOMON EM I
WOKIM WANPELA HAUS BILONG
LOTUIM BIKPELA. TASOL GOD
HUSAT I STAP ANTAP OLGETA I NO
SAVE STAP LONG OL HAUS LOTU OL
MAN I WOKIM WANTAIM HAN BILONG
OL, NOGAT, OLSEM PROFET I TOK
PINIS, "HEVEN EM I STAP SIA KING
BILONG MI, NA GRAUN EM I STAP SIA
BILONG LEK BILONG MI. WANEM KAIN
HAUS BAI YUPELA I WOKIM LONG MI,
A? BIKPELA I TOK OLSEM, NA PLES
BILONG MI LONG MALOLO I STAP
WE? ATING HAN BILONG MI I
NO BIN WOKIM OL DISPELA
SAMTING, A?"

AISAIA 66:1;
APOSEL 7:1-57



YUPELA I OL BIKHET LAIN TRU. OLTAIM YUPELA I
SAVE SAKIM HOLI SPIRIT OLSEM OL PAPA BILONG YUPELA
I BIN MEKIM. OL PAPA BILONG YUPELA I BIN BAGARAPIM
OLGETA PROFET NA KILIM I DAI OL HUSAT I SOIM BIPO
OLSEM DISPELA STRETPELA MAN BAI KAM NA NAU
YUPELA I BIN KILIM EM I DAI PINIS.



STIVEN,
YU LAIK KOTIM
MIPELA OL
WANLAIN
BILONG YU, A?

YU LAIK
BAGARAPIM LO NA
PASIN BILONG OL
TUMBUNA BILONG
MIPELA. YU AUTIM
TOK LONG WANPELA
MAN HUSAT OL ROM
I BIN KILIM NA TING
OLSEM MIPELA BAI
HARIM YU?

LUKIM, MI LUKIM
HEVEN I OP NA PIKININI
MAN BILONG MAN I
SANAP LONG HAN SUT
BILONG GOD!



PASIM IAU BILONG
YUPELA. NO KEN HARIM
KAIN TOK OLSEM!

*EM I
MAS I DAI!*

KARIM EM
I GO ALTSAIT
LONG SITI NA
STONIM EM INAP
LONG EM I DAI
PINIS.




MAN BILONG TOK BILAS!

YU
WOK LONG
BAGARAPIM LOTU
BILONG MIPELA.

MIPELA I
HANGAMAPIM
JISAS, NA
MIPELA BAI
STONIM YU.

JISAS,
KISIM SPIRIT
BILONG MI!



EM I BIN TOK
BILAS LONG STREPELA
LOTU BILONG YUMI. EM
I MAS I DAI. SOL, OLSEM
WANEM, OL ROM BAI I
WANBEL, O NOGAT?

NO KEN WARI.
EM WANPELA LONG
OL HUSAT I BIN BIHAINIM
JISAS OLSEM NA EM I MAS
I DAI. YUMI MAS PINISIM
OL DISPELA LAIN. YUPELA I
KEN STONIM EM.



SOL,
HOLIM
SAKET
BILONG MI
PASTAIM.

BIKPELA, NO KEN
KOTIM OL LONG
DISPELA SIN
BILONG OL.



AAAK!

LONG DISPELA TAIM,
BIKPELA TAIM BILONG
KISIM HEVI I KAMAP
LONG SIOS I STAP LONG
JERUSALEM NA OL I
BRUK NABAUT LONG
OLGETA HAP BILONG
JUDEA NA SAMARIA. OL
APOSEL TASOL I STAP
YET LONG JERUSALEM.



**YUMI BAI
PINISM OL!**

**OLGETA
LAIN I
BIHAINIM
JISAS I MAS
I DAI!**



**KILIM EM! MAN
BILONG TOK BILAS!**



SAMPELA
MOA LAIN BILONG
BIHAINIM KRAIS I
STAP INSAIT, O
NOGAT?

*PLIS!
NO KEN
BAGARAPIM
PAPA BILONG
MI!*

KISIM MERI
TU.

DISPELA FARASI HUSAT
NEM BILONG EM SOL, I
BIRUA NOGLUT TRU LONG
SIOS. EM I SAVE GO
INSAIT LONG OLGETA HAUS
NA KARIM OL MAN NA
MERI I GO LONG KALABUS.

APOSEL 7:59-8:3

TAIM WANPELA MAN NEM BILONG
EM FILIP I WOK LONG BETEN, ENSEL
BILONG BIKPELA I TOKTOK LONG EM.

FILIP, KIRAP
NA GO DAUN
LONG HAP SALT LONG
DISPELA ROT I LUSIM
JERUSALEM NA I GO
LONG GASA LONG
PLES DRAI.



MI NO SAVE
LONG WANEM AS GOD
I SALIM MI I GO LONG
DISPELA PLES I NO GAT
MAN, TASOL MI BAI
BIHAINIM TOK.




ATING MI
BAI SINDALIN
HIA.



A man with dark, curly hair, wearing a green tunic and trousers, is kneeling on the ground in a desert landscape. He is looking down with a somber expression. The background shows rolling sand dunes under a clear blue sky. A large tree trunk is visible on the right side of the frame. A speech bubble is positioned in the lower-left corner, containing text in Indonesian.

BIKPELA,
YU LAIK BAI
MI MEKIM
WANEM
SAMTING?



MI LUKIM BIKPELA
LAIN KAMEL! I MAS I
GAT WANPELA MAN MI MAS
BUNGIM LONG HIA. BIKPELA,
YU LAIK BAI MI GO TOKTOK
LONG OL?


GO NA
WOKABAIT
KLOSTU LONG
KARIS.

APOSEL 8:26-29



MAN HUSAT I SINDAUN LONG
KARIS EM WANPELA BIKMAN
HUSAT I STAP WOKBOI BILONG
KANDASI, KWIN BILONG
ITIOPIA. EM I SAVE LUKAUTIM
OLGETA MANI NA KAGO BILONG
KWIN NA EM BIN I GO LONG
JERUSALEM LONG MEKIM LOTU
LONG PASIN BILONG OL JU.
NAU EM I GO BEK LONG PLES
BILONG EM NA I WOK LONG
RITIM RAIT BILONG GOD.

OL I BRINGIM EM OLSEM
PIKININI SIPSIP I GO LONG
KILIM EM I DAI. NA OLSEM SIPSIP
I SAVE PASIM MAUS TAIM OL MAN
I KATIM GRAS BILONG OL, EM TU
I NO OPIM MAUS BILONG EM. OL
I PINISIM EM NA EM I NO STAP
MOA LONG PLES BILONG OL
MAN I GAT LAIP.



MI HARIM YU
RITIM TOKTOK LONG
BUK BILONG PROFET
AISAIA. YU KLIA LONG
WANEM SAMTING YU
RITIM, O NOGAT?

OLSEM WANEM MI
KEN SAVE SAPOS
WANPELA MAN I NO
SOIM MI. KAM, SINDAUN
HIA WANTAIM MI.



YU KAM NAU
TASOL LONG
JERUSALEM, A?


YES, MI BIN I GO
LONG JERUSALEM LONG
LOTU. LOTU BILONG AS
PLES BILONG MI I NO SAVE
GIVIM BEL ISI LONG MI. OL
I NO SAVE LONG GOD
HUSAT I STAP LAIP.



AISAIA 53;
APOSEL 8:27, 30-34


MI BIN RITIM TOKTOK LONG
MESAIA BAI KAM, NA TAIM MI BIN I GO
LONG JERUSALEM I GAT PLANTI MANMERI
TRU I WOK LONG TOKAUT OLSEM EM I BIN
KAM PINIS NA OL ROM BIN KILIM EM I DAI
NA BIHAIN EM I BIN KIRAP BEK LONG
MATMAT.

MI WOK LONG RITIM BUK BILONG
AISAIA TASOL MI PAUL. AISAIA I TOKTOK
LONG EM YET, O LONG NARAPELA
HUSAT BAI I KAM?




PROFET
AISAIA I BIN
RAITIM DISPELA
BUK KLOSTU 800-
PELA YIA I GO PINIS.
DISPELA TOKTOK
YU BIN RITIM EM
WANPELA HAP TOK
PROFET TASOL. I GAT
PLANTI RAIT MOA I
MEKIM TOK PROFET
LONG MESAIA.
DISPELA RAIT HIA I
TOK OLSEM OL BAI
BEL NOGUT LONG
EM NA GIVIM
BAKSAIT LONG
EM.


YU BIN KAM NAU
TASOL LONG JERUSALEM,
OLSEM NA YU BIN HARIM
PINIS OLSEM JISAS I BIN
MEKIM PLANTI MIRAKEL,
TASOL OL HETMAN BILONG
OL JU I BIN GIVIM
BAKSAIT LONG EM.



LAIN 7 EM
WANPELA TOK
PROFET WE I TOK
OLSEM TAIM JISAS I
SANAP LONG AI BILONG
KOT EM I NO INAP
MEKIM TOKTOK LONG
HELPIM EM YET.



AISAIA I BIN
TOKAUT TU OLSEM
MESAIA BAI KISIM BAGARAP
LONG BODI BILONG EM LONG
OL SIN BILONG YUMI. NA
LONG HIA EM I TOK OLSEM PE
NOGUT BILONG YUMI, GOD I
BIN PUTIM ANTAP LONG
EM.




LUKIM
LAIN 8. EM I TOK
OLSEM OL I KISIM
EM LONG KALABUS NA
KILIM EM LONG BAIM
SIN BILONG OL LAIN
BILONG EM.


MI LAIKIM LAIN
6 WE I TOK OLSEM,
"YUMI OLGETA I OLSEM
SIPSIP I BIN LUS; YUMI
WANWAN I BIN TANIM
LONG ROT BILONG EM YET;
NA BIKPELA I BIN PUTIM
SIN BILONG YUMI OLGETA
ANTAP LONG EM." YUMI
OLGETA MANMERI I BIN
LUSIM ROT BILONG GOD
NA BIHAINIM LAIK BILONG
YUMI YET. TASOL GOD I
BIN PUTIM SIN BILONG
YUMI ANTAP LONG JISAS,
OLSEM NA TAIM EM I BIN
I DAI EM I BAIM RONG
BILONG YUMI.



LONG LAIN 9 EM
I TOK OLSEM OL
BAI PLANIM MESAIA
WANTAIM OL
MANIMAN NA OL
MAN NOGLT.



LONG LAIN 9 GEN I
TOK OLSEM JISAS I NO BIN
MEKIM WANPELA TOK GIAMAN.
TASOL LONG LAIN 10 I TOK
OLSEM EM I LAIK BILONG GOD
LONG BAGARAPIM MESAIA INAP
LONG SOL BILONG EM I KEN
KAMAP OFA BILONG SIN.



LAIN 10 TU I TOKTOK
LONG KIRAP BEK
BILONG EM NA WOK EM
BAI MEKIM BIHAIN.


OLGETA DISPELA OL
TOK PROFET JISAS I BIN INAPIM
PINIS. NA LONG TAIM BIHAIN, YUMI
OLGETA WANWAN BAI I SANAP LONG
AI BILONG GOD NA BUNGIM KOT LONG
OL SAMTING HAIT YUMI BIN MEKIM
SAPOS YU NO BILIP LONG WOK
BILONG JISAS.

AISAIA 53:3-10;
APOSEL 8:35; ROM 2:16;
2 KORIN 5:21



MI BIN HARIM OL
SAVEMAN BILONG LO NA OL
PRIS I TOKTOK LONG OL TOK
PROFET BILONG MESAIA. BILONG
WANEM NA OL I BIN GIVIM
BAKSAIT LONG JISAS?

SAMPELA BILONG OL I BIHAINIM JISAS NAU,
TASOL PLANTI I BEL HAT TAIM EM I AUTIM TOK LONG
OL SIN BILONG OL. OL I LAIKIM WANPELA MESAIA
HUSAT BAI I KAM NA RAUSIM OL ROM. OL I LAIK STAP
BOSMAN BILONG WANPELA KINGDOM, TASOL OL I
NO LAIK BAI GOD I BOSIM BEL BILONG OL.



YES, SAM 22 I TOK
PROFET OLSEM EM BAI I DAI
ANTAP LONG DIWAI KROS.

SAM 22:6, 17-
18, 16:10, 34:20;
AISAIA 50:6;
SEKERAIA 12:10

TASOL OL I BIN
RAITIM OL SAM BIPO
TRU, TAIM OL ROM I NO
BIN KAMAP YET NA OL
MAN I NO SAVE I DAI
LONG DIWAI KROS.
OLSEM WANEM?



GOD I SAVE PINIS LONG
WANEM SAMTING BAI I
KAMAP BIPO LONG EM I
BIN KAMAP. I GAT OLSEM
340-PELA TOK PROFET
LONG MESAIA. LONG
DISPELA ROT YUMI KEN
SAVE TRUTRU OLSEM
GOD TASOL I BIN
SALIM JISAS I
KAM.

LONG SAM 22:16 EM I TOK
OLSEM OL BAI SUTIM HAN NA LEK
BILONG EM -- OLSEM OL I BIN
MEKIM WANTAIM NIL TAIM OL I
HANGAMAPIM JISAS. LAIN 14 I TOK
OLSEM EM BAI I NEK DRAI, NA TU,
OLGETA SKRU BILONG BUN BILONG
EM BAI I LUS. TASOL SAM 34:20
I TOKIM YUMI OLSEM I NO GAT
WANPELA BUN BILONG EM BAI I
BRUK TAIM OL I KILIM EM. OL ROM
I SAVE BRUKIM LEK BILONG OL
MAN LONG MEKIM OL I DAI HARIAP,
TASOL JISAS I DAI PINIS OLSEM
NA OL I NO BIN MEKIM DISPELA
LONG EM. SAM 22:17 I TOK PROFET
OLSEM OL BAI I LUKIM SEM BILONG
EM, NA LAIN 18 I TOK OLSEM OL BAI
I PILAI SATU LONG KLOS BILONG EM
NA BRUKIM NAMEL LONG OL YET.

SEKERAIA 12:10 I TOKIM YUMI
OLSEM OL BAI SUTIM HAN
BILONG EM NA BIHAIN OL JU
BAI I LUKIM OL DISPELA MAK
LONG HAN BILONG EM. AISAIA
50:6 I TOK OLSEM OL BAI
PAITIM BAKSAIT BILONG EM NA
PAITIM WASKET BILONG EM.
SAM 16:10 I TOK OLSEM OL BAI
PLANIM EM TASOL BODI BILONG
EM I NO INAP STING. OL TOK
PROFET I TOKAUT TU OLSEM
POROMAN BILONG EM BAI GIVIM
EM LONG HAN BILONG BIRUA NA
BIHAIN DISPELA POROMAN BAI I
HANGAMAPIM EM YET NA BODI
BILONG EM BAI I PUNDAUN NA
BEL BILONG EM BAI BRUK NA
KAPSAIT. DISPELA HAP GRAUN
EM I DAI LONG EN OL BAI
YUSIM LONG PLANIM OL WAIRA
LONG EN. OLGETA DISPELA TOK
PROFET, NA PLANTI OL ARAPELA
TOK PROFET TU, JISAS I BIN
INAPIM OLSEM OL I BIN TOK.
JISAS KRAIS BILONG NASARET
EM I STAP DISPELA MESAIA
HUSAT BAI KISIM BEK DISPELA
GRAUN.

I GAT OL NARAPELA TOK PROFET WE
JISAS I BIN INAPIM TU. O NOGAT?

MI BILIP OLSEM JISAS
EM I STAP MESAIA. EM I STAP
DISPELA PIKININI SIPSIP HUSAT
BAI RAUSIM SIN BILONG DISPELA
GRAUN. JISAS EM I STAP DUA I
GO LONG GOD. MI BAI KAMAP
DISAIPEL BILONG EM.






WARA YA!
WANEM
SAMTING I
PASIM MI LONG
KISIM BAPTAIS?

SAPOS YU
BILIP WANTAIM BEL
BILONG YU OLGETA
ORAIT MI BAI
BAPTAISIM YU.

YES, MI
BILIP!



MI
BAPTAISIM
YU LONG NEM
BILONG BIKPELA
NA MAN BILONG
KISIM BEK YUMI,
JISAS KRAIS.



**LIPTIMAP
IM NEM
BILONG
GOD!**



DISPELA
MAN I GO
WE?

*EM I LUS
NATING!*

GOD I MAS KISIM
EM I GO. KAM, YUMI
MAS HARIAP NA GO BEK
LONG ITIOPIA NA TOKIM
KWIN LONG DISPELA
TOK YUMI BIN KISIM
PINIS.

SIOS I KAMAP STRONG LONG ITIOPIA
NA I SANAP STRONG I GO INAP
LONG TAIM NAU WE OL MUSLIM I
BIN KILIM KLOSTU OLGETA KRISTEN.

APOSEL 8:36-39



<https://goodandevilbook.com/>